

# Terra Corsa

In lu giardinu di a mio vita  
I solchi sò suminati  
Di cursezz'à l'infinita  
Di ricord'à l'antenati  
Terra Mea la to storia  
Hè fatta spessu di gloria.

La mio mente vagabonda  
In Cintu piglia partenza  
E sculisce nant'a l'onda  
D'un fiume di resistenza  
Terra Mea sò guerrieru  
Di lu to populu fieru.

Di li to lochi di valore  
Certi ne volenu fà  
Frà lu focu è l'oppressore  
Diserti di puvertà  
Terra Mea Terra Corsa  
A to sorte femu nostra.

Terra Mea Terra nostra  
Seremu sempr'à la mossa !